

Q.K.
434,
3.

*De Diis quibusdam ceterum
Germanor.*

II h
903

Q. D. B. V.

CONCILIUM
DEORUM QUORUNDAM
GERMANIAE

contra

JESULUM
RECENS NATUM
CONSULTANTIUM

Ad D. V. Kal. Febr. A. clō Ibc LXX.

In Acroaterio Majori

exhibendum

publicae

M. PAULUS MARTINUS
SAGITTARIUS,

RECTOR SCHOLÆ ALTENBURGENSIS.

ALTENBURGI

Apud GOTHOFREDUM RICHTERUM.



186 23 16





L. B. S.



Umintuum, L. C. conspe-
ctum praesens hoc scriptum pro-
dire jubeo, tria potissimum in
eodem mihi veniunt expedien-
da. Unum, cum in hoc novi an-
ni auspicio prima te compellem
vice, hoc est, ut pro tua salute at-
que incolumitate devota suscipi-
am vota pariter atque solvam.
Id enim antiqua à me exigit consuetudo à Romanis ad
nostra usque tempora derivata, cui temerè refragari,
summa mihi est religio. Romani autem hoc ipso tem-
pore, quod valdè solenne eis erat, verba laeta, prospera
& bona, ut Sulmonensis Vates l. I. Fast. & l. IV. de Ponto
ea vocat, nuncupabant: Vota item pro salute publicâ ac
privatâ in Capitolio concipiebant, & felicissima quæque
sibi invicem precabantur. Hinc, ne à more consveto
secessum facere videar, en, quod pietate privatâ tenus hac
praestiti, publicâ jam exequor, tibi que, L. B. præ-
sentem hunc annum, quem non ita pridem per
Dei gratiam sumus ingressi, auspiciatissimum vo-
veo ac felicissimum, precorque, ut, qui letis tibi jam
iniit auspiciis annus, letioribus procedat, letissimis exe-
at, &

at. & sæpius recurrat semper lætior, semper felicior! Atq; hoc est votum, quod ut semper solvi, semperque signari velit Numen Supremum, animitus exopto. Officio votorum absoluto ad alterum, cuius gratiâ hæc scripsi, me nunc converto, quòd felicissimè me executurum spero, si tibi, L. C. indicavero, de quanam re Actus, qui habebitur, Oratorius sit occupatus. Hic ipse scilicet Concilium Deorum quorundam Germanorum, qui ab incolis hujus & vicinarum regionum divinis olim fuerunt affecti honoribus, exhibebit, eorumque contra Jesulum recens natum consilia atque judicia exponet.

Sed quonam Dii illi gaudeant nomine, quid quisque statuatur, & quinam ex Lycei hujus alumnis eorum sustineant personas, huc ut adponam, forsitan, L. B. desideras? En brevibus omnia ea, quæ expetis, habeas! Primus nimirum, qui in hoc Concilio tuo sese obferet obtutui, est

SVANTOVITUS

à voce Vandalica *Svante*, quæ significat sanctum, & vocabulo *Witz*, quod lumen vel fundum denotat, vel juxta alios à *S. Vito*, Martyre Corvegiensi, ita dictus, & omnium Deorum ex Soraborum, Vandalorum ac Boëmorum judicio Deus atque Princeps, cuius vaticinia populi illi eo acceptabant atque exosculabantur animo, ut pro omnium actionum normâ regulaque eadem reputaverint. Hinc & nummum Svantovito quotannis offerebant cum spoliis ac prædæ parte tertia; Sic & homine, eoque Christiano sacrum ei fuisse annuatim factum, testatur Hieron. Emserus, Canonicus Misnensis invitâ Bennonis Episcopi Misnensis. Formam ejus quod concernit, in

Arconæ, Rugiæ civitatis, templo, referente Saxone Grammatico l. XIV. Hist. Dan. ita habebatur pictus. Simulacrum nempe quatuor constabat capitibus, è quibus duo pectus, totidemque tergum respiciebant: barba erat rafa, & crines attonsi: in dextra cornu vario metalli genere excultum tenebat, & in sinistra arcum reflexo in latus brachio. Præterea tunica ad tibias prominebat, pedesque humo erant contigui. Plura cui de Svantovito scire est animus, adeat Historicum illum haud saxeum Saxon. Grammaticum, l. c. Helmold. l. II. Chron. Slav. c. 12. Albert. Crantzium in Vandaliâ l. II. Albin. in Chron. Misnens. tit. XI. f. 150. El. Schedium de Diis Germanorum, Syngramm. III. c. 12. p. 502. Atque hic Svantovitus, cujus vices geret

JOHANNES HEINRICUS ERNESTI,

Rochlitiensis Misn.

Præsidis hoc in Concilio fungetur munere, Diisque quaestionem, num Jesulus natus sit interficiendus, proponet ventilandam, causas adjiciens, ob quas Concilium hoc fuerit coactum. Huic deinde succedet, qui primum inter Conventus hujus Assessores occupat locum,

RADAGASTUS,

& Svantovito, interprete

JOHANNE CHRISTOPHORO

HEMPELIO, Altenburgensi,

maximas pro curâ & labore convocati concilii aget gratias, ac Jesulum è mediò esse tollendum pronuntiabit. Fuit autem Radagastus, quem alii Radagasium, Radigastum vel Radergastum malunt appellare, Slavorum & Obotritarum

tarum Deus, qui in templo Rethræ, Pomeraniæ oppido, pro Deorum iudicatus Deo scutum, impresso nigro bubali capite, in pectore habuit, inque dextrâ bipennem tenuit: capiti verò avicula infidebat. Vid. Aut. cit. Ejusdem cum Radagasto sententiæ est

FLINNUS vel FLINTZ

Vandalorum atque Soraborum Numen, ideo adoratum, quod à Leone, qui in sinistro ejus humero stabat erectus, se iri excitatum credula crediderit turba; Ita enim fingebatur, ut sceleti referret figuram, & pallio indutus longo in manu gestaret baculum cum tumente suis vesica; At humero, quem quidam dextrum statuunt, sinistro Leo innitebatur. Flinum autem repræsentabit

DAVID Senler/ Geithensis Misn.

Posthæc Vandalorum & Venedorum Deus

TRIGLAS,

quem Stephanus Johannes Stephani in eruditis ad Sax. Grammat. notis f. 245. Triglassum nominat, sub personâ

FRIDERICI ZÖLLNERI,

Altenburgensis,

comparebit, & Jesulum tamdiu esse tolerandum svadebit, usque dum ad adultam perveniat ætatem, ac ejusmodi edat actiones, quas præstare in Deorum tantum situm est arbitrio atque potestate. Hujus simulacrum, cui caput cum tribus erat faciebus, & Luna divisa in manu, in templo B. Virginis oppidi Brandenburgi monti Harlingorum imposito, circa A. C. cl. Io XXVI. adhuc extitisse refert Monachus Pirnensis. Præterea surget

CRO-

CRODO,

quem Latini vocarunt Saturnum. Hic specie messoris lineum cingulum gestabat, & in dextrâ ferens vasculum rosis plenum, pedibus nudis squamoso insistebat pisci, qui perca appellatur; in sinistra rotam tenebat. Dicit autem Crodo, cujus Orator erit

EHRENFRIEDUS Durr/Muhla-
Variscus,

Jesulum non esse interficiendum. Atque hunc serie non interruptâ excipiet

BELBUCH, vel JUTERBOGH

ut aliis audit, Vandalorum Deaster, & vi originis idem ac Deus albus, aut auroræ, qui hoc Deorum Concilium dissolvendum, hoste jam sublato, suadebit, Declamatore

MICHAELE VVEBERO, Altenburgensi.

Belbucho autem è diametro se opponet

ZUTTIBER,

(in cujus honorem lucus prope Martisburgum fuit consecratus, ut in eodem Vandali quotannis convenirent, qui usque ad tempora Wigperti II. Episcopi Martisburgensis, stetit) & Concilium non esse dissolvendum, Jesulo adhuc superstite, statuet, sententiam exponente

JOH. CHRISTOPHORO FREISLEBIO,

Werdâ-Misn.

Hujus autem judicium impugnabit

JODUTTE vel ZEDUTTE

Saxonum idolum, Diisque erit svasor, ut Concilium ab-rumpant, totumque negotium cum aliis Diis communi-cent. Ejus autem implebit partes

LU-

LUDOVICUS GUNTHERUS SIDELIUS,
Micro-Nehufanus Tyrigeta.

Pone sequetur

ZERNEBUCH,

à voce Zerne, quæ nigrum apud Vandalos significat, appellatus; Erat enim genius malus, maliq̄ue & infortunii credebatur autor; hinc ut malum imminens averteret, pateram in conviviis eidem solebant consecrare Vandalis. Radagasti autem & Flinni accedet sententiæ, asserens, Jesulum esse interficiendum. Dicendi officium in se suscipiet

JOHANNES Schulze / Altenburgensis.

Ultimo tandem loco suam hîc in Concilio proferet opinionem

PRONO,

& nihil certi de negotio præsentis esse statuendum, sed expectandum, quid Syrorum & Ægyptiorum Dii de Jesulo judicent, affirmabit. Prono autem, quem Brennum Regem Germaniæ antiquum esse autumat Elias Schedius l. c. c. ii. Slavorum fuit idolum, quod columnæ insistentis alterâ manu vomerem, quo innocentia probari solebat, rosei coloris albis discriminatum punctis, alterâ hastam cum vexillo tenebat: tempora coronis erant redimita, aures prominentes, pedes ornati, sub quorum altero tintinnabulum pendeat. Expediet ea

CHRISTIANUS Schumann / Salfeldensis.

Habes hîc, L. B, Deorum, qui Concilio intererunt, catalogum, habes cujusq̄; sententias, & seriem Declamatorum. Ante verò quam Deorum contra Jesulum audientur Consultationes, prodibit

JOH.


JOH. CHRISTOPHORUS Heimigke /
Altenburg.

PROLOGUS, qui Auditores omnium ordinum ho-
noratissimos solenni illo *SALVETE* compellat, iisque
bona vota nuncupabit; deinde aperiet hoc Decretum Con-
cilium, & faventiam Auditorum suis exorabit gymna-
chis. Totum tandem Actum consummabit


CHRISTIANUS Härtel / Altenburgensis,
EPILOGUS, qui repetitis Deorum sententiis gratias
Auditorio pro benevolâ auscultatione persolvat immor-
tales, suumque finiet sermonem verbo *VALETE*. Duo
à me jam sunt expedita, restat adhuc unum, quod jubet,
ut Vos, Optimi Reipubl. Literariæ Proceres Civesque,
eâ, quâ decet, animi observantiâ ad spectandum audien-
dumque convocem. Accedite, obsecro vos obtestorque, ho-
ra i. pomeridianâ Diei crastini, venite, si Musæ nostræ in
quodam vobis sunt pretio, & in Acroaterio Athenæi no-
stri majore confidete; Ea enim agentur, quæ nunquã vi-
distis aut audivistis, nec unquam visuri aut audituri estis,
ut solenni illâ in Ludis Romanorum consuetâ formulâ
uti mihi liceat. Introite sultis; Nam & hîc Dii sunt; non
quidem personati; Id enim publicus luctus, quem præ-
maturus Serenissimi Patris Patriæ, D. FRIDERICI
WILHELMI, Ecclesiæ Musarumque Statoris Opti-
mi, Felicissimi, τὸ τῆς ὀσίας μνήμης, nobis indixit obitus,
prohibet. Agite itaque, Patroni, Fautores & Amici,
confluite frequentes dicto loco ac tempore, nostro-
que instituto benevolè favete. P. P. Alten-
burgi VI. Kal. Februar. A.
c1o1oc LXX.



Id enim
 nostra
 summa
 pore, c
 & bon
 ea voc
 privata
 sibi inv
 secessu
 præstit
 sentem
 Dei g
 veo ac
 iniit au



KODAK Color Control Patches © The Tiffen Company, 2000
Kodak LICENSED PRODUCT
 Blue Cyan Green Yellow Red Magenta White 3/Color Black



L. C. conspe-
 scriptum pro-
 potissimum in
 iunt expedien-
 in hoc novi an-
 te compellem
 ro tua salute at-
 devota suscipi-
 atque solvam.
 à Romanis ad
 merè refragari,
 hoc ipso tem-
 lata, prospera
 l. IV. de Ponto
 ulate publicâ ac
 cissima quæque
 more consveto
 rivatâ tenus hac
 e, L. B. præ-
 pridem per
 atissimum vo-
 latis tibi jam
 latissimis exe-
 at, &

at
 h
 v
 n
 f
 h
 c
 h
 n
 f
 n
 r
 n
 e
 a
 b
 a
 u
 j
 e
 n
 f
 c
 p

